



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De contemptu omnium consolationum terrenarum. X.

[urn:nbn:de:hbz:466:1-45790](#)

4. O quam vanæ, quam deceptorie, & propè nihil etiam stantes & florentes probantur: quæ post subitanæ suas delectationes diffugientes, me inter spinas & tribulos malæ conscientię relinquent? Væ mihi Domine, & vœ iterum mihi; quia vanitatis credidi, & assensi; te autem, qui veritas es, tam facile reliqui. O quatum in hoc deliqui, quod non omnibus postpositis tibi soli adhæsi! Nam ad amandum te & fruendum factus sum, sed creaturem inordinatè sequendo, te amisi, & in eis nullam cordis mei pausationem inueni. Converte me Domine ad te, & noli me in terrenis relinquere, qui cælestia te sequentibus dignatus es promittere.

CAPVT X.

De contemptu omnium consolationum terrenarum.

Psal. 76.

1. **R**enuit consolari anima mea. Noli engredi anima mea post vanitatem & insanias falsas; sed conuertere ad Dominum Deum tuum, quia ipse fons totius consolationis. Quicquid in hominibus quæsieris aut in creaturis, perdes, & perditum senties; quia potest aliquid solatij in eis apparere, nihil autem permanere. Cur frustra deciperis? Stultum est mendicare à paupere, cum diues sufficienter voluerit dare. Omnis creatura pauper est ad confolandum, Deus autem diues est in gratia, qui dat omnibus afflenter, & non improperat; si tamen quæsieris diligenter, patienterque expectaueris.

Iacobi 1.

Gen. 8.

2. Reuertere anima, reuertere columba ad Noë in arcam, ad Christum in cordis secretum; quia diu foris manere non est secundum. Renue consolari exterius, si vis recreari interiori. Noli cum corvo extra arcam manere, sed cadaver citò frige. Esuriens redi, pascet te Christus pane cæli. Si necessitas vrget, vel infirmitas aliquando ad extra te tenet, moram caue, redi mox intrà; ne diluvio verborum pereas, aut laqueo tentantis inimici capiaris. Multæ sunt insidiæ libenter extrâ vagantis animæ, & magnæ tutelæ citò reuertentis columbae. Que cum non inuenis, ubi requiesceret pes eius, reuersa est ad Noe in arcam. Et tu ergo vade ad cellam tuam, & habita ibi, sitque tibi graue esse alibi.

3. Beata anima, cuius conscientia ante Deum munda est, nec vlla tenetur re vana, neque amore alicuius inquinata, neque odio tabefacta. Beata, quæ nullam consolationem ab aliqua creatura querit, sed omnem spem suam in Deo ponit. Beata, quæ respuit omnem forinsecam & temporalem requiem, & quacumque ad carnis pertinentem commodum, atque libenter pro Christo amplectitur laborem & defectum. Beata, quæ seipsum Deo committit, ut secum faciat, sicut illi placuerit. Beata, quæ nunquam gloriam suam



suam quærit, nunquam voluntatem suam fieri desiderat; sed Dei gloriam & voluntatem in omnibus rebus intendit, amat, & proponit. Beata, quæ se alienam facit ab omnibus temporalibus rebus, & puram se seruat apud Deum in cunctis actibus suis.

4. O quæcumq; talis es anima, gaudet & lætare non modicè; quia vales iam versari in intimis & cælestibus, & Deum laudare diebus ac noctibus. Beata & benedicta à Deo, cuius desideria sursum sunt. Cuius manus & brachia expensa sunt; sicut duæ alæ *Ezech. 11.* Cherubin. Cuius oculi mundi, ad contemplandum Deum, cuius omnis vigor & labor interior vadit & ascendit, & non reuertitur, donec inueniat, quem solum præ omnibus amat. Et cùm inueniet, tunc omnibus oblitis, sequitur eum, quocumque dilectus voluerit & duxerit. Vt autem locutus fuerit, gaudebit ad vocem eius dicentis. Ego dilectus tuus, unicus, & electus. Ego merces tua magna nimis. Esto humilis ad prospera, & fortis inter aduersa. Ecce qui diligit me, quomodo consolantur per me. Quā dulciter putas tractabuntur, cùm deposita omni molestia corporis & animæ, ad æternam requiem suscipientur.

5. O si tali fruerer dulcedine, quemadmodum anima sancta, Deo dilecta & deuota; quando sopitis sensibus, sursum in spiritu fertur, & eleuatur super semetipsam in amplexus dilecti; & Deo per intimæ dilectionis vinculum copulatur. O Deus meus, cor dis mei thesaurus verus, non ignoras, quin hoc doloris mei intus absconditi unicum foret refrigerium. Sed huiusunctionis tu elargitor es & infusor. Tu doces, tu hortaris, tu foues, tu consolaris, tu prouochis & sustentas; tu ducis & reducis; & facis cum anima, quam elegisti, sicut vis; & totum bonum est, quicquid agis & vis. Ego vero quasi vas acidum, & boni spiritus tui infusione indigus, peto sacram ipsius emanationem mihi ampliari, quatenus & internæ dilectionis tuæ dulcedinem gustare, & sacras illas delicias valeam praesentire: quas animam tibi studiosè vacantem non diffido frequenter mereri. Odorauit longè aromata cæstia, cùm de anima sancta meditatus sum quædam interiora mentis studia.

6. Sed tu Domine scis, quām rara mihi, quām tenuis est æternorum cogitatio, quam frequenter arentia verba, quām rudis intellectus & impacata conscientia, quām confusa interiora mea, inilluminata & indeuota, nec alicuius, nisi mea solummodo culpa. Interdum tamen viam quærens ad interiora, assumptis mecum cogitationibus in secreto, de bonis electæ animæ seriose pertracto: quantè sint lætitiae cælestes, ac deliciae spiritales in eius corde: quæ pax, quæ tranquillitas, quæ spes & exultatio in Deo salutari suo: cuius eloquium dulce, & facies decora. Et licet

licet breuis sit mora, est tamen grata hora.

7. Hæc autem me cogitante, & te illuminante tenebras meas, inuenio super me iustas querelas: & sentio per occultas gratia nimulas, quia talis & talis est anima tibi intimè vnota, & sic & sic tu ei locutus es. Illa tacet ab omnibus sensibilibus, & tu loqueris ei in spiritu de inuisibilibus. Videtur quasi derelicta ab omnibus creaturis, & tu eam consolaris modis ineffabilibus. Dixi ego rurus hæc in corde meo: Vt animæ peccatrici, conscientia graui, conuersationi tepidae, non habenti lumen gratia, neque solatum spirituale; querenti lachrymas, nec inuenienti aliquas. Pax huic quæ Christum sincerè diligit, & oculos cordis sui ab eo nunquam deflectit: sed quæ placita sunt ei semper inquirit, quia in pace & æquitate ambulabit, & in gudio eius non miscebitur alienus. Videbit, quod bonum est oculum eius, & gustabit, quia suavis est Dominus Deus suus, in quo confidit. Elongabit se à tumultibus externis, & expectabit cum prouento magno, aduentum eius in intimis. Ecce sic operatur Deus, in vasis sibi electis. Si quis veniret ad eum, non reuertetur vacuus, qui libenter dat aquam sitiendi, & panem esuriensi.

8. Deus meus, cùm introieris in domum amantis te animæ, non ne pasces eam tuo laete, & deduces aliquando etiam extra se, præ abundantia tua dulcedine, ad capiendum te sine aliqua corporali imagine? O veritas, veritas; quantum valet & agit charitas! Tunc loqueris illi verbum tuum secretissimum, & ostendis ei omnia nouissima & antiqua in charitate & fruitione felicissima, vbi finiuntur omnia verba humana. Ex tunc facis maximè tibi confidentem de æterna requie, de sanctorum consocietate: quia prærogando pignus spiritualis gratia, valentiorē utique reddis ad speranda, quæ non videt, & ad spernenda presentia, quæ sensu tenet. Recordare mei pauperis mendici (Pater bone) per viscera misericordia tuæ, & mitte panem de cælo verum, verbum bonum, consolatione & gratia plenum.

CAPVT XI.

De magna dulcedine & consolatione in Deo.

Psal. 34. 1. **O** Mnia offa mea dicent, Domine quis si milis tibi? Unus est, & filialis illi non est, Deus meus est, & omne comparatum cinihil est. Dilectus intimus, & amicus fidelissimus, qui amantem se nunquam deserit, sed cum amante se libenter sociat. Et si aliquando se abscondit, aut angustiari permittit; non hoc agit ut reprobet, sed ut probet, purget, & erudiat. Non ergo omnino tunc deserit, sed etiam sapientius instruit, ut appareat qualis quisque ex